

Намознинг фарз ва вожиб амаллари | Ҳадис дарслари (320-дарс)



19:00 / 05.03.2025 5838

Ҳанафий мазҳаби уламолари намознинг фарз ва вожиб амаллари ҳақида қуйидагиларни айтганлар.

Намознинг фарзлари олтитадир:

1. Такбири таҳрима айтиш.
2. Қиём – тик туриш.
3. Қироат.
4. Рукуъ.
5. Сажда.

6. Ташаҳхуд миқдорича қаъдаи охирда ўтириш.

Намознинг вожиблари ўн саккиздир:

1. Намозни «Аллоҳу акбар» лафзи билан очиш.

2. Фотиҳа сурасини қироат қилиш.

3. Фотиҳадан кейин зам сура ўқиш.

4. Биринчи икки рақъатда зам сура ўқиш.

5. Фотиҳани зам сурадан олдин ўқиш.

6. Саждада пешона билан бирга бурунни ҳам ерга теккизиш.

7. Ҳар бир рақъатда такрорланадиган амалларни тартиб билан қилиш.

8. Фарз ва вожибларни хотиржамлик билан, шошмасдан адо этиш.

9. Уч ва тўрт рақъатли намозларда биринчи қаъда.

10. Биринчи қаъдада ташаҳхудни ўқиш.

11. Охирги қаъдада ташаҳхудни ўқиш.

12. Биринчи қаъдада ташаҳхудни ўқигандан кейин кеч қолмасдан, учинчи рақъатга туриш.

13. Намознинг охирида икки марта салом бериш.

14. Имомнинг қироатни жаҳрий қилиш лозим бўлган намозларда жаҳрий қироат қилиши.

15. Имом ва яқка намозхоннинг Пешин ва Аср намозларида қироатни махфий қилиши.

16. Витр намозидаги қунут дуосини қироат қилиш.

17. Икки ийд намози такбирлари.

18. Муқтадийнинг имомга эргашиши ва қироатга қулоқ осиши.

«Ҳадис ва ҳаёт» китобининг 4-жузи асосида тайёрланди.